

卷七 烈女

烈女傳

淮陽縣志

第五冊

淮陽縣志卷之七

列女

扶風志列女補馬史之缺也夫男正外女正內坤德不湮陰教始行淮邑荃蕙踐
翬翟籍椒房者雖不數見然由周迄今從容就義慷慨捐生巾幗中固多丈夫哉
至京婦碩女賢孝播聲凡茲幽蘭辭容從簡美期無遺志列女

周

厲嬌戴嬌

衛莊公娶於齊曰莊姜美而無子又娶於陳曰厲嬌生孝伯早死娣戴嬌生公子完莊姜以爲己子莊公卒完立是爲桓公嬖人之子州吁弑之戴嬌於是大歸於陳莊姜遠送於

野作燕燕之詩陳今有二嬌冢云

陳辯女

陳國採桑之女也爲歌曰墓門有棘墓門有梅

漢

郭徵卿

一作趙淮陽人宣帝穰祿爲皇曾孫時坐戾太子事繫獄徵卿爲女徒使者丙吉命與渭城胡組更互乳養之有功帝卽位徵卿已死賞子孫官祿田宅財物焉

陳孝婦

淮陽人年十六而嫁未有子夫當戍且行囑孝婦曰我生未死可知幸有老母無他兄弟備養吾不還汝肯養我母乎婦曰諾夫果不還婦養姑不衰孝愛愈固紡績織紵以爲業無嫁

意居喪三年其父母哀其無子而少寡也將嫁之婦曰夫去時囑以養母既諾之矣夫養母而不能卒許諾而不能信將何以立於世欲自殺父母懼而止養姑二十八年姑八十餘以天年終盡貨其

田宅財物以葬奉祭祀淮陽太守以聞使使者
賜黃金四十斤復之終身無所與號曰孝婦

唐

溫氏李邕妻

邕爲陳刺史被誣當死溫表請戍邊自贖表載文徵

劉玄佐母

至賢佐貴母嘗月一進示不忘本數教佐盡臣節見縣令走庭白事退戒佐曰長吏恐懼卑甚思而父昔吏縣亦當爾而據案當之可乎佐感悟待下加禮焉按此傳見太康

志以舊志仍之

五代周

世宗宣懿符皇后祖秦王存審父魏王彥卿后世王家將相爲人明果有大志世宗劉夫人卒納爲繼室卽位冊爲皇后世宗卞急每怒左右后必伺顏色漸爲解說世宗意亦隨解由是益重之世宗征淮后以帝不宜親行諫止之不聽師久無功遭大暑雨后以憂成疾遂崩葬於新鄭曰懿陵後立皇后符氏后妹也入宋遷西宮號曰周太后

五代史

宋

太宗懿德符皇后彥卿第六女周顯德中歸太宗建隆初封汝南郡夫人進楚國夫人

封晉王改越國開寶八年薨太宗卽位追冊爲皇后

宋史

陳之胥妻某氏

建炎間統制王淵討陳州賊杜月軍鄧瀾賊得婦美之欲與通婦不允刺以刀暮夜又逼之婦曰統制軍官隨都統來破賊本為百姓除害若要新婦充婢使無不可

欲見私非所望於軍官也淵強之且曰我殺汝婦罵曰必如此統制亦賊耳死何懼淵命擁出斬之時統制官曹提璋宏訊刑者得其語二將嗟歎通夕不能寐云

婁鵲妻逸其姓氏

家貧故人至鵲使妻借米於鄰不與解衣易米歸後鵲為刑部鄰人犯法欲重其罪妻諫而止

元

左氏名貞順汝州鎮撫馬士隆妻

元季士隆戰死左年二十五遺腹生子友鄰攜徙陳依母舅居紡績自給年八十餘終人無間言明洪武中旌表孫嵩舉

宣德癸丑進士

明

成穆貴妃孫氏元末兵亂妃父母俱亡從仲兄蕃避兵揚州青軍陷城元帥馬世熊

得之育為義女年十八太祖納焉及即位冊封貴妃位眾妃上洪武七年九月薨

年三十有二帝以妃無子命周王橚行慈母服三年東宮諸王皆期勅儒臣作孝

慈錄庶子為生母服三年眾子為庶母期自妃始葬楮岡賜兄墳田租三百石歲

供祀後附葬孝陵

明史

張針姑思忠女

年十四字孟七保未于歸七保輸稅開封死逆旅葬祥符之蘇村父母欲嫁之針姑曰既許孟氏今雖亡其母無依願歸孟養姑父母重其義從焉既歸乃奉姑王

氏備詣祥符負夫骨還葬奉姑守節終身永樂中旌表

王重鵠衛旗士從善女

字左旺旺因疾闕父母欲令改適重鵠泣不從旺家來諭重鵠曰既許左將復何歸以首觸壁絕而復蘇者三舉家不敢強遂剪髮緝繡養父母不

諭闕者六十年指揮徐漢以事開旌表

秦氏衛士陳德新妻

德新死於戌秦年十八子立甫八月姑韓瀨老秦曰吾分從夫如老姑何遂養姑撫孤後立亦戌外古卒秦傾貲營葬守節五十八年景泰間旌表

盧溫柔瑛女太谷知縣恆之孫

幼嫻閨教祖母張寢疾三年溫柔事之甚謹且祈身代竟獲愈後許字太康常友未歸而友夭溫柔痛泣入室自經死鄉人趙

旻等哀其志送友墓合葬焉知州萬宣戴所相繼表其閭

翟粉兒剛次女

年十七許聘樊亨亨死粉兒聞之遂自經死知州戴所嘉其貞烈為營喪具葬地合窆并以事聞

周氏憲副于奎妾

奎疾革囑其改適周泣以死誓奎卒竟自經州牧戴所聞於朝

孫氏蕭正妻

正死之次日自縊於屍旁知州戴所為殮葬以事聞

李氏州庠生劉汝錫妻

氏小字金錢錫卒氏年二十五誓必死所親以撫孤勸止未幾子妖遂自經

陽夏王妃劉氏順之女始生時異香襲院年十二晨起頰面見二金鯉於盆中掬之

遂隱明年嘉靖壬寅奉詔選為陽夏王載堊妃時祖母李以艾灼其面竟無傷以

嘉靖辛亥册封性孝謹宗藩內外稱賢妃云

盧氏庠生趙綱妻

二十三綱歿盧誓死守奉姑教子儼學食饌於庠知州倪誥表焉

裴氏州庠趙璧妻

璧遭疾未痊貢赴闕恐不測瀕行以二親一子為囑裴泣曰君善珍攝事在妾身璧卒通州骸歸時裴年二十六母始并憐其少欲嫁之裴引刃欲自裁議遂

寢舅姑亡竭力營葬撫子寧成立守節五十餘年知州萬請旌

趙氏王祥妻

祥卒氏年二十七姑老子善甫六月女三歲趙誓守善旋歿竭力奉姑姑終葬如禮知州萬請旌

董氏舍餘張汜妻

夫亡家貧誓死守節四十餘年指揮黎請旌

司氏姚三畏妻

夫亡子仁遠幼守節撫孤成立補州庠生州牧請旌

石氏魏湧妻

湧死氏撫遺子象成立娶程氏生二子象亦天程年二十五姑婦相依程先卒石年八十六有司表其閭

蘇氏王絡妻

夫亡年二十四子之彥未週歲蘇紡績養孤教彥甫即庠年七十卒院道數表之

王氏生員謝嘉言妻

夫亡遺幼子允暢允茂允美王撫之使就傳簪燈課讀子俱入庠有司表曰貞節孝慈

凌氏遲炳妻

生適炳二十六日夫亡姑李老凌奉姑生養喪葬悉如禮年六十四卒院道表之

田氏陳岐妻

岐早卒田守節以終膺獎

馮氏朱運妻

二十五夫亡守節撫二子成立有司旌之

李氏于廷輔妻

十九夫亡遺子倉幼李紡績操作艱辛十餘載倉成立娶余氏生三子倉亡余年二十二子在強樛乃其姑李撫之守節茹藥余奉姑尤謹諭諸子以大義與姑俱

享壽考季子情生之大成進士直指領曰雙節可風

朱氏崔有守妻

鴻臚序班忠臣女生二男一女俱幼夫亡朱攜子女依母家撫教之長奮庸入庠次登庸業儒州牧康表以清風正氣

李氏生員李顯芳祖母

守節七十一年延師教孫顯芳鉉芳俱列邑庠州牧旌曰節壽並隆

丁氏生員李鉉芳妻

夫亡守節教子湛入庠知州林旌貞節可風

王氏張守業妻

夫亡苦節教子年八十州牧旌曰節壽之門

高氏朱正身妻

二十九夫亡生遺腹子一祥誓節撫孤成立兵憲張旌曰慈節可風

姜氏庠生焦嗣芳妻

夫亡守節養翁姑家貧日夜紡績翁姑歿喪葬皆如禮卒年六十八州學正獎之

崔氏舉人齊自新妻

鹿邑崔孝廉女自新弱冠中式明年牧旌曰節比燕門所出七緘不死守節五十餘年州牧旌曰節比燕門

單三姐

農家女年十四父母登麥於野三姐自守家鄰有屠戶惡少也乘隙踰垣三姐遠院奔避逐至竈下拒暴被戕尸不仆父母鳴之官數日面目如生當炎暑蠅蚋悉絕跡無敢侵事聞旌

獎

張氏州庠生王棕妻

棕故張自縊遇救不死比殮頭觸棺血出鼻口絕不飲食越三日形瘠目翳頹然骨立一日忽更衣曰吾夫來當迎之母曰夫已死何從來張大慟呼天

仆地母急抱之氣絕矣
監司遣祭並旌其門

白氏庠生思弟妻

思弟嘔血死白年二十二自縊柩旁

董氏杜維訥妻

家斗室徒壁董安之訥病董榻腹扶持不起董哭曰吾何以生乎即尸旁自縊死知州洪蒸為具棺給葬地詔旌之

高氏廩生胡宗夏妻

宗夏抱才屢試輒冠病痿死高泣曰吾何強顏苟活為遂自縊死

王氏庠生馬有年妻

有年故王有二女命婢以果誘出沐浴自經死

袁氏徐仲儲妻

儲疾袁祝天祈代終不起袁赤自縊事聞詔旌

魏氏三烈

一魏體坤女適劉忠貞夫死無子魏年二十二庶姑袁氏生子二歲魏泣屬曰姑幸善視劉氏後婦從夫死矣袁泣止之不可夫殮袁方憑棺哭魏潛自縊死一庠生魏體泰女適

同郡庠生謝用寶妙齡嗜學嘔血卒魏隨自縊家人救甦防稍弛卒縊死年亦二十二一武舉魏體咸女適朱試末數年夫歿魏殉之年亦二十二三婦同氏同殉夫同年齒競稱魏氏三烈云

蔡氏郡吏徐實妻

夫亡自盡事聞旌表

魯氏憲副劉淳繼室

淳疾革謂魯曰爾歸我無所出今棄爾奈何魯泣曰妾侍巾櫛有年惟有相從地下耳言訖泔亡魯自經當道表其閭

馬氏郭文燦妻

燦死馬殉之知州羅彬表其門曰捐軀殉夫

王氏蕭拱妻

拱疾革目王曰我死汝無依任所適耳相對而泣移時王潛縊死拱尋卒鄉人爲具棺葬之

劉氏齊繼呂妻

年十九事姑崔甚謹繼呂死家人方環泣劉入室縊憲副翟師雍榜其門曰矢志殉夫

彭氏謝賜召妻

年十八賜召病且革數目彭若有所屬彭泣曰爾無慮我從爾地下矣賜召搖首而不能言遂卒越五日彭乘夜自縊柩旁州守丁三益旌其門曰坤元正氣

崔門四烈

庠生崔應春死妻丁氏殉之崔應晉病疫死妻張氏勺水不入口家人防之少疎張自縊後崔濬之死妻周氏矢節撫孤孤殤周亦死又崔氏涵之女歸劉斗光二年斗光死崔自縊

縊兵憲翟師雍並上其事旌表

王氏廩生景新妻

新故王年二十三越七日縊死

寶氏王誥妻

娶六月誥溺死寶哀號欲殉母吳氏及諸父寶梅苦勸不從勺水不入口局門自縊州守康應乾表其門

張氏晉保妻

夫亡家貧誓守苦節五十餘年卒

蔡氏王珠妻

十八夫故父母勸再適誓不從生遺腹子慶授室而妖遺子一民蔡撫之又早亡復撫遺息終老

魯氏江東妻

夫亡守節五十年孫養麟耀麟騰麟省郎庠生

鄭氏舍餘季環妻

夫亡無子食貧守節五十餘年卒

史氏齊奉琴妻

夫亡守節六十餘年卒

朱氏劉某妻

夫早亡撫幼子仲武成立守節四十餘年

盧氏朱鑑妻

夫亡守節四十餘年卒

徐氏廩生崔應閏妻

夫亡撫孤守節四十餘年教子泌之成進士官戶部主事後殉闖賊之難人稱一門忠節

顏氏劉民祿母

夫亡撫孤成立苦節四十年

李氏陳海妻

母家潁州人年二十九而寡姑病思蒲筍李步采二十里外每值驟雨至李旁而止鄉人以爲神異知州倪誥上其節孝子楫以明經歷漢中教授李受祿養七十餘壽終

張氏盧璉妻

事舅姑以孝聞歸二載夫故遺孤宏始一歲張誓不改適姑病不食者旬日忽思肉不得張割股以進知州倪誥上其事於朝

王氏喬志京妻

姑病屢醫不效王割股爲餌配以進尋愈州牧獎之

蔡氏王節妻

節母病適遠出蔡晨昏侍湯藥母忽思肉割股作羹進食州牧榜其門曰孝婦維風

季氏生員吳主敬妻郭氏生員吳止敬妻

明末李賊圍城二氏立志殉義不受辱城破主敬止敬值東門罵賊不屈季氏隨後置之賊怒甚刃

主敬止敬分其尸季氏前代夫受刃嘗更烈賊殺之更慘郭氏自經於室賊怒未息直至季氏家男女大小三十餘人盡殲焉惟郭氏子必明年七歲爲老僕王成負逃七里河吳邦泰家收養成立以

是止敬尚有後賊去始知季氏與主敬並爲賊所醢無可殮郭氏尸壓於牆下覓之不獲又數年王僕覓得之以葬季氏爲左中允季道統女當破城屠戮時與其夫抗節罵賊視死如歸誠女中丈夫

云

詹氏中書舍人王道極妻

夫歿矢節識大義闖賊自開封破西華將抵陳州衆悉治衣履爲避賊計詹獨不爲或勸之正色曰吾雖婦人曾受一命詎可奔走路道求活耶未亡人固久當死院中井是吾所耳賊圍城詹日率家人親爲饌食犒守城者未幾城陷從容整衣攜幼子環投於井長子璉讀書南監聞變勵曰吾母素矢烈義必不苟生急歸尋訪果得諸井中面色如生蓋已閱兩月矣

張氏生員宋嘉運妻

賊破城故僕李姓執其主嘉運杖庭張怒罵伏夫身並受害

馬氏舉人何潤妻

李賊入城老嫗扶氏至城西隅遇其夫曰吾義爲君死君宜保身爲宗祧計毋顧我言訖赴河死賊去尋尸顏色如生

恭人劉氏平陽于太守妻

闖寇陷陳罵賊而死

武氏生員辛佐湯妻

孝廉永和繼母賊甫破城聞夫中傷入室自焚死

段氏光祿署正于鶴齡妻

李賊破城偕同室王氏扶姑劉氏司罵賊死

譚氏韓生妻

年十八韓逾歲闖寇破城欲掠掠之氏義不受辱急踰泮池牆投水死

陳氏百戶丁漢英妻

守備陳尙嗣女幼知大義闖賊攻陳城陷尙嗣罵賊死漢英刃賊死之氏聞父與夫皆死曰夫死國妻死夫義也時子翔年十三女六齡以子付乳母用

繩勒女項氣絕遂自經年三十一

羅氏生員宋炎妻

舉人迪都女闖賊破城炎遇害氏投水死子濟依於舅氏

季氏張令極妻

極病臨訣遺以黃巾越三日季以巾縊至殮面色如生兵憲州牧皆旌之

劉氏難臣白傳芳妻

闖賊圍陳氏聞傳芳父子俱殉
遂自經僕女春花縊於其側

周氏武舉徐時彩妻

明末李賊破城氏與子秉銓
妻蔣氏俱不受辱為賊害

潘氏庠生張爾芳妻

闖賊屠城見爾芳
被虜遂投水死

凌氏貢生姚之斌妻

遭賊亂被擄上馬
罵賊自投地死

劉氏庠生張銷母

姑蔣衰病穀食艱劉羹糜哺銷乳姑
萬春表其閭闖賊陷城罵賊而死銷言之慨流涕

胡嫗

齊氏義乳母也闖寇亂齊氏男婦悉遇害惟乳婦攜己女並抱齊氏孤兒逃竄勢危不能兩全乃
捨己女獨抱齊兒一晝夜達齊氏外祖家撫孤成人以延一脈聞者義之歿後齊姓或其恩以禮

葬至今春
秋祭其墓

清

齊氏庠生劉附名妻

孝廉國佐女流寇陷陳附名與子庠生瑞色同殉齊先從次子瑞禎歸寄瑞
色妻趙氏亦遺母家俱免難賊去齊入城哭殮瑞禎歸鄉里趙亦至齊指

瑞禎謂趙曰劉氏只餘此七歲孤吾當守爾無禍可無守趙泣誓曰姑存與存姑守與守自此相依
為命齊教子就學篝燈階下瑞禎入庠齊趙俱旌表瑞禎女適王門夫亡身殉州牧以宛邱三烈旌

丁氏增生吳言繼室

夫亡前妻子方未三歲丁守節撫方紡績
供讀方食糜饌州牧旌曰慈節可風

葛氏鍾尙妻

夫亡守節撫孤聖和成室和又歿婦王氏與姑共守
撫遺孤成立葛年百歲王年八十餘俱蒙州守表額

鄭氏劉斯澤妻

夫亡家貧舅姑老病小姑一氏遺腹得子紡績易
薪米奉舅姑嫁小姑俱盡禮州牧旌曰淑德貞操

江氏庠生徐秉巽妻

夫亡有子三守節奉姑
孫入庠學使張旌之

呂氏郡庠生朱枚妻年十九夫亡守節州牧顧旌曰節同冰霜

閻氏朱大生妻二十六夫亡守節事翁撫孤州牧沐旌曰母儀人瑞

何氏陳三策妻十八夫亡遺腹得男氏守節事親撫孤卹饑助婚年八十二四世一堂州牧旌曰冰操垂裕

白氏縣丞朱銓繼室年二十三夫歿遺前室子孟紹氏守節鞠育成立州牧旌曰風高古柏

田氏郡庠生劉先難妻夫亡遺腹生男訓之成立弟婦亡撫幼姪如子姑病晝夜不離歿喪葬禮子發自學行早魁於鄉氏年八十卒守節五十四年旌表建坊

李氏吳天祿妻孝廉若稚女二十六夫亡遺三子一女祖姑在堂凡三遭大喪并子女婚嫁皆氏一身經理學使張旌之

隋氏錢如沛妻子歸四月夫歿守節以姪國賢嗣州牧旌曰節義淳風

魏氏于鑣妻夫歿事翁姑盡禮撫二孤成立供夫幼弟鏡登貢書有孫督學鄒旌以節嚴冰霜

李氏孝子許長祚妻二十七夫亡矢志事育并周鄰親婚喪題旌

彭氏謝永錫妻二十四夫故守節卒親撫子璉成立孫玉麟卒年八十三卒州守旌曰玉節霜操

路氏殷有才妻二十九夫故無子家貧氏晝夜女紅奉養舅姑及歿變產殮葬學使劉旌曰冰雪青霜

李氏焦維正妻十九夫歿祖姑老舅姑哭子成疾氏忍死解慰姑卒舅繼婚萬氏李代持家政葬祖姑舅姑盡禮并完叔妹婚嫁撫姪崑爲嗣年六十六卒旌表

苑氏劉得位妻夫病瘥六載奉事無怠志夫亡無子翁姑年衰艱步守節奉親擇族子道遠嗣旌表

王氏劉作霖妻夫故子孀姑痛子卒翁父喪明祖姑年九十氏苦節奉事兩世撫嗣子教之事聞旌表

牛氏張體元妻

生一女夫病革以二老囑氏誓不負與姑相依舅病視調藥餌以姪彭齡嗣州牧林旌曰松筠節操

高氏吳培蒙妻

夫故生遺腹于奉親撫孤年六十五卒旌

于氏附監生錢登科妻

夫亡年二十八撫孤守節奉舅姑二子一舉鄉薦一附監生年八十餘卒奉文旌

李氏武生蘇狀妻

夫亡氏年三十苦節撫子入庠旌建坊

陳氏庠生高坦妻

守節奉姑侍起居二十餘年雍正四年旌表

李氏增生高有憑妻

終身不與喜筵康熙五十二年旌

張氏庠生孫雷妻

守節五十七年旌表

李氏劉一麟妻

夫故守節五十七年旌表

于氏徐之龍妻

立治舅姑喪盡禮入祠

鄭氏許如義妻

十餘年喪葬盡禮以從姪文元嗣旌表

袁氏監生齊君仁妻

夫亡子幼孝事舅姑教子成立督學林旌曰節操冰霜

雷氏徐伯乾妻

十九夫故取姪與璜嗣娶張氏二載璜死張年二十守節以姪邦俊嗣學使旌曰兩世幽貞

郭氏楊文成妻

生子甫三月夫故忍死奉親撫子立學使旌以金石盟心

李氏許九思妻

十九夫亡子福乾甫數月守節奉姑姑禮姑盛道中使旌以貞心耀日

王氏錢巍則妻

臨漳訓導錫時女夫亡誓以死殉姑朱諭止以姪如連嗣督學旌以全桃著節

李氏武宗孔妻

二十七夫故子數月撫孤守節五十九年學使張旌

徐氏趙應德妻

夫亡子幼仰事俯育苦節自持督學旌曰亮節冰操

畢氏周世璽妻

二十三夫故孤苦守節事舅姑孝伯氏夫婦亡撫其遺孤授室孫入庠學使旌曰守節全孤

祁氏于麟德妻

夫故守節撫孤繼冲娶婦李氏生子數月冲又歿李亦矢志奉姑撫子成立學使張旌曰兩世苦貞

張氏生員錢繩科妻

生員爾芳女能文翰生如濟甫遇夫歿苦節奉親如濟又夭以從孫輔國嗣督學旌曰閭閻德永貞

于氏李廷獻妻

夫歿無子誓死未遂守節奉舅姑兩治大喪盡禮以族姪潤嗣有司旌曰貞節堪型

劉氏范呈梧妻

夫故守節奉親撫孤五十一年學使旌曰貞節可風

李氏監生王夢麟妻

貢生彩女年十九夫故守貞學使張旌曰閨閣清風

劉氏苑有溫妻

夫故子僅逾月矢志奉親撫孤夫天以從姪崑嗣伯姒逝遺二幼女劉撫之夫弟有恆亡遺子幼妻王氏矢守劉引與同爨養孤學使張旌曰金石同貞

劉氏方尙德妻

夫歿養老撫孤親操井臼子元入庠學使旌曰白首完貞

彭氏朱文煥妻

二十七夫歿事姑教子四十年學使旌曰懷清並美

李氏吳行敬妻

夫故舅姑逾七旬子幼矢守學使旌曰柏舟矢貞

祁氏廩生王璐妻

二十三夫歿遺子士遜守節教子士遜入商庠孫威入邑庠祁逾八旬學使張旌曰貞壽昌後

麻氏監生馬煥妻

夫亡奉姑撫子華入庠督學林旌曰禮法清最

車氏劉自敬妻

夫故舅姑繼歿一子中天學使林旌曰苦節百鍊

劉氏趙銘妻

二十一夫故無子取姪嗣以守學使旌曰苦節全祧

楊氏生員吳備妻

舅姑年髦子女俱幼苦守事育蒙旌梁爰高行

汪氏高爾熾妻

夫故食貧奉親撫前室子殤以姪嗣學使旌曰陳孝曹貞

鍾氏賈秉良妻

夫歿子幼奉親教子苦節不逾邑令旌曰節孝流芳

李氏陳應禎妻

二十夫故矢志守貞學使張旌曰金石同貞

徐氏吳之傑妻

十八歸係鍼指供親母家餽遺必卻曰不敢以婦職累親夫故三子幼矢志苦自守有司旌曰清同霜雪

趙氏胡瑞妻

夫故遺孤未月守節奉祖姑及姑學使旌曰節比青筠

袁氏廩生齊哲妻

夫故無子誓守以姪鳳儀嗣儀夫婦繼亡遺幼孫任謙復撫成立學使張旌曰節藕公為

趙氏姚應選妻

二十四夫故撫孤守節學使張旌曰貞操不渝

譚氏劉世宗妻

二十一夫故撫孤養親矢志苦貞學使張旌曰陳孝曹貞

唐氏高馴妻

二十三夫故取姪為嗣苦守貞學使旌節孝可風

秦氏曹文郁妻

夫故子洪鈞甫週撫孤奉親邑令許旌松貞玉絮

王氏葉紹聞妻

夫故無子取姪嗣以守邑令潘旌曰苦節凌霜

李氏葉紹遠妻

二十五夫故守節以姪嗣邑令潘旌以節比公焉

劉氏崔照妻

二十四夫故無伯叔撫孤守節儒學董旌之

王氏蕭國楨妻

二十一夫故無子以姪斌嗣殫心撫教中辛酉武舉苦志五十餘年學使潘旌守節成仁

靳氏李輝妻

夫故遺腹生子苦節十親撫孤州牧林旌曰松筠表節

于氏錢克忠妻

夫故守節奉姑撫遺腹子廷高成立學使旌懷清道範

張氏監生雷方奮妻

二十七夫亡氏本世族幼通孝經內則方奮疾篤誓死殉方奮泣曰若親老子幼何氏額之方奮歿氏養生送死心力俱殫教子衣德口授四子書後援

例捐建同氏封恭人乾隆二十七年旌表入祠

龍氏王國賢妻

二十四夫亡惡族欲奪其志氏毀容自誓孝事翁姑守節六十四年乾隆三十二年旌

田氏劉顯祖妻

以項邑堪生渠女舉人力茂方穀胞妹二十一夫亡忍死奉姑家貧嘗冬月析薪姑疾目不交睫以姪曉嗣補庠生乾隆四十四年旌

龐氏齊丙妻

二十六夫亡終養翁姑夫弟幼撫之成立嘉慶九年旌

方氏武生穆燦妻

二十三夫亡紡績養親侍姑病三年不懈喪葬如禮以姪奠邦嗣乾隆中貢奠邦中武科擢游擊聖氏至署猶自操作道光元年旌

蕭氏趙連第妻

夫亡守節事親教子孫俱顯秩睢州蔣侍郎旌霜筠翠柏邑令劉區德壽兼隆

趙氏張楹妻

夫亡守節仰事俯育備極艱辛學博旌曰閭德永貞

李氏任杰妻

二十夫故守節孝親
學政吳旌志潔行芳

胡氏李三多妻

二十五夫故撫孤守節孝事
翁姑學政李旌志潔行芳

趙氏許文彬妻

夫亡守節以姪嗣事繼姑得
厥心學政朱旌以冰霜勵節

袁氏焦士元妻

二十三守節孝親撫子普照
入成均學政旌譽垂貞史

李氏夏建白妻

夫亡守節奉親撫子國賢
入太學學政旌節孝永昭

李氏鄧信妻

夫亡與婦姑陳共貞苦節
三十六年知府李泐石旌

胡氏何天賜妻

夫亡無子以姪嗣事親
克孝學政額茶苦松貞

王氏張漢成妻

夫亡忍死奉姑教子宗義
成立邑令陳給匾旌之

杜氏雷溪雲妻

守節孝親祖姑患癰侍奉七年復茹素三年印送
勸孝文二千卷子珂入太學督學吳旌清冰貞玉

馬氏李有恆妻

夫亡子女各一守節孝親夫姪庭樹生三月失怙
特氏並撫之子寶樹監生學政邵旌霜清月皎

王氏李萬貴妻

二十四夫亡守節四十
八年學使旌節甘心苦

朱氏劉毓棠妻

年十九夫亡守節學
使吳旌冰蘄懷清

朱氏王有禮妻

歸王三月夫故以姪振宗嗣娶婦李生一女夫婦
繼亡復立孫天科為振宗嗣學政旌永垂壺範

王氏朱敦倫妻

十八夫亡遺腹子寶三撫
孤孝親學政旌栗玉堅冰